

傳正祖宗

嘆人未悟

人人不悟道根基日用張羅沒盡期耗散圓明無倚託死生災厄緊相隨

贈于公在家修行

萬般塵境任鋪張千種浮華莫論量正已存心行大道性靈何處沒三光

贈聖水山腳

聖水周圍奉道流好於法會細搜求修成內寶仙無老洗滌身乘般若舟

道藏輯要

雲光集

三

胃集九

贈李講師手鑑

稟邀真聖祝三光發散祥烟滿十方攝化本源無有性虛无浩浩白馨香

會真

始青縣象在其間聚散三神一粒丹元是大羅天上得有時相會各欣歡

詠冶

二氣沉沉在混冥五光浩浩運無停剛風搖動紅鑪熾鑄就人間萬物形

充本州黃籙濟度贈李講師

九朝法事謹宣揚供獻諸天禮十方士庶官僚同薦福立身行道熱心香

濟南府張哥索

濟南西北藥山間陽氣昇騰合大丹何不故鄉餐玉秀卻來我處覓芝蘭

中都張鹽副問趨生死

本無衰老與來生只爲塵寰染俗情惹絆精神留苦海性靈無路得圓成

贈本觀高道人

玉洞收藏眞玉髓金爐鍛鍊紫金丹三田旣濟誰能悟五臟通道藏輯要

雲光集

三

胃集九

明白得看

謝人寄物

公書香果已親收迴奉俱無闕拜酬有相因緣當絕盡無形富貴好搜求

戲題鄉人多不信事

金蓮七寶我封栽光貫清朝處處開非是玉陽無道德靈山尙不重如來

因丹陽一聯續成

清淨幹開壺內境無爲踏碎洞中天靈明混合諸天地大道空無一法傳